

UNITING CHURCH IN AUSTRALIA

TONGA NATIONAL CONFERENCE



2021

KAVEINGA Ó E TAÚ

**MOÚI FAKAFOÓU
É HE LAUMĀLIE MĀÓNIÓNI
LIFE RENEW BY THE HOLY SPIRIT**

[Taitusi / Titus 3: 5; Ísikeli / Ezekiel 11: 19]

**SIULAI – TISEMA
NGAAHI KAVEINGA**

**FAKAMAHINA
FAKAUIKE
LOTU PULELULU**

NGAAHI KAVEINGA FAKAMAHINA 2021

SIULAI	<i>“Ngāue‘i ho Lakanga kuo tapuaki‘i‘aki koe ‘e he ‘Otua.” {Samiuela 5:2b}</i>
‘AOKOSI	<i>“‘Oku ‘ia Sīsū ‘a e ngaahi lea ‘o e Mo‘ui Ta‘engata.” (Sione 6: 68)</i>
SEPITEMA	<i>“Ko Laumālie Mā‘oni‘oni ‘oku nofoma‘u mo tokoni.” (Sione 14: 15 & 16)</i>
‘OKATOPA	<i>“‘Oku ‘ikai li‘aki ‘e he ‘Eiki‘ ‘a hono kakai.” (Siope 42: 10)</i>
NOVEMA	<i>“Ko Sihova ko hotau Mā‘oni‘oni‘anga” (Selemaia 33:16)</i>
TISEMA	<i>“Ko e Laumālie ‘o e Kilisimasi ko e Fiefia” (Filipai 4:4)</i>

SIULAI 2021

**SIULAI: "NGĀUE'I HO LAKANGA KUO TAPUAKI'TAKI KOE 'E HE 'OTUA."
(2 Sāmiuela 5: 2b).**

**UIKE 1: " 'OKU TAU MA'U TĀPUAKI FAKA-LAUMĀLIE 'IA KALAISI."
(Efesō 1: 3, 4)**

Kaveinga Lotu Áho Ngofua:

"Oku monū'ia 'a e loto fale 'oku 'afio ai 'a e 'Eiki. Ko ia ke tau lotua 'etau ngaahi mo'ui' mo e ngaahi loto fale kotoa pe 'o e siasi' ke lotolotoi ai 'a Sīsū."

Lesoni Huluhulu: 2 Sāmiuela 6: 17 - 19

UIKE 2. "TAU TUI KI HE'ENE KELESI' KA TAU MO'UI." (Ngāue 15: 11)

Kaveinga Lotu Áho Ngofua:

"Ke tau fakafeta'i koe'uhī ko e mohu 'alo'ofa 'a e 'Otua' 'o lava ai ke fakamo'ui 'a kitautolu ko e kakai na'e mate 'i mu'a mo talangata'a, pea fai ki he ngaahi holi 'o hotau kakano."

Lesoni Huluhulu: 'Efesō 2: 1- 6.

UIKE 3. "'OKU HULU ATU MA'U PE 'A E 'OFA 'A E 'OTUA" (Efeso 3: 20)

Kaveinga Lotu Áho Ngofua:

"Oku 'ikai faka-ngatangata 'a e 'ofa 'a e 'Otua. Ko ia ke tau lotua ke tokoni'i 'e he 'Otua' 'etau ngaahi lea mo e ngāue ke 'ilo'i ai 'e he kakai kotoa pe (Siu pe Senitaile) 'oku 'ofa'i pe kitautolu 'e he 'Otua."

Lesoni Huluhulu: 'Efesō 3: 5 - 8.

UIKE 4. "NGĀUE KI HE KAI 'OKU IKU KI HE MO'UI TA'ENGATA."

(Sione 6: 27)

Kaveinga Lotu Áho Ngofua:

"Ke tau fakatomala koe'uhī ko ha taimi na'a tau ngāue hala'aki ai a e mafai kuo 'omi 'e he 'Otua ma'a kitautolu. Tau lotua foki 'a e kau ma'u mafai kotoa pe ke nau ngāue lelei'aki 'a e mafai na'e 'oange 'e he 'Otua ma'a kinautolu."

Lesoni Huluhulu: 2 Sāmiuela 12: 7 - 9.

AOKOSI 2021

**“OKU 'IA SISŪ 'A E NGAHI LEA 'O E MO'UI TA'ENGATA.”
(Sione 6: 68)**

UIKE 1: “KO SISŪ 'A E MĀ 'O E MO'UI” (Sione 6: 48)

Kaveinga Lotu Áho Ngofua:

“Tau lotua ke hoko mu'a 'etau ngaahi lea' 'o ma'u tokoni ai 'a ia 'oku fanongo' pea hoko mo 'etau mo'ui ko e koto faka-hoifua ki he 'Otua.”

Lesoni Huluhulu: 'Efeso 4: 29 - 33

UIKE 2: “VIVILI KE MA'U HA LOTO POTO” (1 Tu'i 3:9)

Kaveinga Lotu Áho Ngofua:

“Oku mahu'inga 'a e poto faka-'Otua ke tau ma'u. Ko ia ke tau kole mu'a ki he 'Otua ke ne 'omai ha loto poto ma'a kitautolu koe'uhī ke fakahoko lelei'aki hotau ngaahi fatongia kuo ne tuku mai.”

Lesoni Huluhulu: Saame 111:10

UIKE 3: “TUI 'A E TEUNGA TAU FAKA-'OTUA” (Efesō 6: 14 - 18)

Kaveinga Lotu Áho Ngofua:

“Ke tau lotua ke 'oua na'a hanga 'e he ngaahi me'a 'o e mamani ko 'eni 'o to'o 'etau falala mei he 'Otua. Ka e tuku ke tupulekina 'etau tui' mo falala ki he 'Otua' mei he mālohi ki he mālohi.”

Lesoni Huluhulu: Saame 84: 5 - 7

**UIKE 4: “FANONGO KI HE'ENE FOLOFOLA PEA TALANGOFUA”
(Semisi 1: 22)**

Kaveinga Lotu Áho Ngofua:

“Tau lotu ke tau ma'u ha loto fie fanongo pea ke tau vave ma'u pe ke fanongo kae faka-totoka ki he lea mo e 'ita.”

Lesoni Huluhulu: Semisi 1: 19

SEPITEMA 2021***“KO E LAUMĀLIE MĀ‘ONI‘ONI ‘OKU NOFOMA‘U MO TOKONI.”***
(Sione 14: 15 & 16)**UIKE 1. “TALI ‘A E ME‘A‘OFA KO E LAUMĀLIE MĀ‘ONI‘ONI”****[Ngāue 2: 17 - 18]****Kaveinga Lotu Áho Ngofua:**

“Tau kole ki he Laumālie Mā‘oni‘oni’ ke ne fakaivia kitautolu ke tau fakahaa‘i ‘etau tui’ ‘i he‘etau lea, ngāue mo ‘etau to‘onga mo‘ui’ foki”.

Lesoni Huluhulu: Semisi 2: 14 - 17**UIKE 2. “TAU KUMI KI HE POTO MEI ‘OLUNGA.” [Semisi 3: 17]****Kaveinga Lotu Áho Ngofua:**

“Ke foaki mai ‘e he ‘Eiki’ ha maama mo ha poto ke tau ngāue fakapotopoto‘aki ‘a hotau ‘elelo, ke fakamo‘ui ‘aki ‘a e kakai’ pea ke fakalangilangi‘i‘aki ‘a e ‘Eiki.”

Lesoni Huluhulu: Semisi 3: 9 - 13**UIKE 3. “KO E ‘APASIA KIA SIHOVA’ KO IA ‘E FAKAMĀLŌ‘IA.”****[Palovepi 31: 30]****Kaveinga Lotu Áho Ngofua:**

“Tau kole ‘a e Laumālie ke ne fai hotau fakavaivai‘i ‘i he ‘ao ‘o e ‘Eiki’ hei‘ilo te ne fai ai hotau hakeaki‘i.”

Lesoni Huluhulu: Semisi 4: 6 - 10**UIKE 4. “FA‘A KATAKI PEA FAKA‘UTUMAUKU ‘ETAU FAI E LOTU.”****[Semisi 5: 7 - 12]****Kaveinga Lotu Áho Ngofua:**

“Tau lotua ke ‘oua na‘a tau lotosi‘i, ka ke tau tekaki ki he ‘Otua’ hotau faingata‘a‘ia, he te Ne faka-ai mo faka-faingofua.”

Lesoni Huluhulu: Nomipa 11: 16, 23 - 25.**UIKE 5. “KO SĪSŪ, KO E TAULA‘EIKI LAHI ‘OKU FUNGANI.”[Hepelu 4: 14]****Kaveinga Lotu Áho Ngofua:**

“Ke tau tu‘u mo e lau ko e kakai kuo fakamo‘ui, pea ke tau tali ‘a e me‘a kotoa kuo tuku mai ‘e he ‘Otua, ‘o fai mo e loto fakafeta‘i.”

Lesoni Huluhulu: Siope 2: 1 - 10.

'OKATOPA 2021**“OKU 'IKAI LI'AKI 'E HE 'EIKI' 'A HONO KAKAI”****(Siope 42: 10)****UIKE 1. “KO E FOLOFOLA 'A E 'OTUA KO E HELETĀ FAKATOUMATA.”****[Hepelu 4: 12]****Kaveinga Lotu Áho Ngofua:**

“Ke tau 'ave 'a e fakafeta'i mo e fakamālō ki he 'Otua, he kuo ne 'ofa mai 'o 'ikai fakangatangata pea 'oku ne tauhi kovinanite 'o ta'engata.”

Lesoni Huluhulu: Saame 89: 1 - 5**UIKE 2. “KUO NE FUA 'ETAU HIA PEA NE HUFEKINA 'A E KAU ANGAHALA.”** (Aisea 53: 12)**Kaveinga Lotu Áho Ngofua:**

“Ke tau lotua ke foaki mai 'e he 'Eiki' ha Kelesi 'e fe'unga ke ne fakalotolahi'i kitautolu, ke tau kumi kiate IA, kae'oua kuo tau 'inasi 'i he 'Ene Fakamo'ui.”

Lesoni Huluhulu: Ma'ake 10: 46 - 52**UIKE 3. “FAKATOMALA, PEA VETE KI HE 'OTUA' 'ETAU TA'E-MA-A'USIA.”****[Siope 42: 1-6]****Kaveinga Lotu Áho Ngofua:**

“Ke tau lotua ke 'omi kiate kitautolu 'a e loto tukulolo' pea ke tau foki ki he 'Otua, he 'oku ne kei tatali ke fa'ufua mo tali 'a e foki mai.”

Lesoni Huluhulu: Luke 15: 20 -21**UIKE 4. “KO E 'OTUA' 'OKU NE FAKAFO'OU MO FAKAMO'UI.”****[Fakahā 21: 1-4]****Kaveinga Lotu Áho Ngofua:**

“Ave kia Sihova 'a e fakafeta'i, tuku kia Sihova 'a e Fakamālō, he 'oku monū'ia kinautolu 'oku tu'u 'enau falala' kiate IA.”

Lesoni Huluhulu: Saame 146: 1 - 5

NOVEMA 2021**“KO SIHOVA KO HOTAU MĀ’ONI’ONI’ANGA”
(Selemaia 33:16)****UIKE 1: “KO E FOAKI ‘OKU HOIFUA KI AI ‘A E ‘OTUA” (Ma’ake 12:42-44)****Kaveinga Lotu Áho Ngofua:**

“Tau lotua ke langa ‘e Sihova hotau ngaahi fāmili pea ‘e ‘ikai ongosia ‘a e kau langa pe tu’unga‘a ‘a e tangata le‘o. Ka ko ‘etau mo‘ui ‘e toki hā fua ai ‘a e hoifua ‘a e ‘Otua.”

Lesoni Huluhulu: Saame 127:1-2

UIKE 2. “KO E MO‘UI FEILAULAU KI HE FAKAHAOHAOA” (Hepelu 10:14)**Kaveinga Lotu Áho Ngofua:**

Tau lotua ke tau ‘ilo ‘oku ‘ikai ha mā’oni’oni hangē ko Sihova, he ‘oku ‘ikai ha fakauoua ‘o hotau ‘Otua. Ko ia pe hotau makatu‘u pea ‘e ‘ikai ‘alu atu meiate kitautolu ‘a e fiematamu‘a, he ko e tokaima’ananga ‘a Sihova.”

Lesoni Huluhulu: 1 Sāmiuela 2:2-3

UIKE 3. “KO E LE‘O ‘O E FAKAMO‘UI, TOKANGA KI AL.” (Sione 18:37)**Kaveinga Lotu Áho Ngofua:**

Fakafeta‘i pea tuku kolōlia ki he ‘Otua kuo ne ‘ofa‘i kitautolu pea fufulu kitautolu mei he ‘etau ngaahi angahala ‘aki hono ta‘ata‘a ‘o‘ona, mo ne ngaahi kitautolu ko e pule‘anga, ko e ngaahi Taula‘eiki ki he ‘Otua. Tau lotua ke tau nofo ma‘u ‘iate Ia.

Lesoni Huluhulu: Fakahā 1:4-6

UIKE 4: “TU‘U ‘I HE ‘AO ‘O E FANAUTAMA ‘A TANGATA.” (Luke 21:36)**Kaveinga Lotu Áho Ngofua:**

Tau lotua ke ngaahi kitautolu ‘e he ‘Eiki ke lahi mo hulu atu ‘etau fe‘ofa‘aki, pea mo ‘etau ‘ofa ki he kakai kehe. Pea ke fakatu‘uma‘u hotau loto ke ta‘emele hono mā’oni’oni ‘i he ‘ao ‘o e ‘Otua.

Lesoni Huluhulu: 1 Tesalonaika 3:12-13

TISEMA 2021**“KO E LAUMĀLIE ‘O E KILISIMASI KO E FIEFIA”
(Filipai 4:4)****UIKE 1. “TEUTEU ‘A E HA‘ELE‘ANGA ‘O SIHOVA.” (Luke 3:4)****Kaveinga Lotu Áho Ngofua:**

Tau lotua ke fai ta‘eteki ‘etau ngāue ki he ‘Eiki pea ke hamusi faka‘aho kitautolu ‘e he ‘Eiki mei hotau ngaahi fili ka tau fakafeangai kiate ia ‘aki ‘a e mā‘oni‘oni mo e fai lelei ‘i he ngaahi ‘aho kotoa pe ‘o ‘etau mo‘ui.

Lesoni Huluhulu: Luke 1: 72-75

UIKE 2. “TUKU KE NE PAPITAI SO KIMOUTOLU ‘I HE LAUMĀLIE MĀ‘ONI‘ONI.” (Luke 3:15-17)**Kaveinga Lotu Áho Ngofua:**

Tauange ke tau mavava ‘o hangē ko e ta‘ahine ‘o Saione, pea hiki tuē ‘o hangē ko ‘Isileli. Pea ke tau fiefia mo pātapata ‘aki ‘a e kotoa ‘o hotau loto, he ko e tu‘i ‘a Sihova ko hotau Tokaikolo ia.

Lesoni Huluhulu: Sēfanaia 3:14-15

UIKE 3. “FAKAHIKIHIKI ‘I ‘A E ‘EIKI ‘I HO LOTO.” (Luke 1:46)**Kaveinga Lotu Áho Ngofua:**

Tau lotua ke hakahaka ‘akinautolu ‘oku kau mo kitautolu pea ke fonu ‘etau mo‘ui ‘i he Laumālie Mā‘oni‘oni ‘o tau hoko ko e fakamo‘oni ki he hoko mai ‘a Sisū ki he ‘etau mo‘ui.

Lesoni Huluhulu: Luke 1:41-43

UIKE 4. “KO E TALANO A MĀLIE MO FAKAFIEFIA ‘AUPITO.” (Luke 2:10)**Kaveinga Lotu Áho Ngofua:**

Tau lotua ke tau fai ‘o taau mo e kakai fili ‘e he ‘Otua, ‘a ia ‘oku tapu mo ‘ofeina, ‘o tau ‘ai ‘a e fatu ‘oku langa ‘i he fai meesi mo e ‘alo‘ofa, mo e faka‘aki‘akimui, mo e angakataki mo e angamokomoko; ke tau fekataki‘aki pea ke tau kofutu‘a ‘aki ‘a e ‘ofa ‘a ia ko e fakama‘u ‘o e haohaoa.

Lesoni Huluhulu: Kolose 3:12-14

**UIKE 5. “HA‘AKI ‘A E FAKAFETA ‘I KIA SIHOVA, FAKAMĀLŌ ‘IA HO ‘OTUA.”
(Saame 147:12)****Kaveinga Lotu Áho Ngofua:**

Tau hiki mavava, mo fakafiefia mo fakaulu he kuo tau ‘amanaki lava‘i ‘a e ta‘u ko ‘eni tu‘unga pe he fakafonu mo fakafou kuo fai ‘e he Laumālie Mā‘oni‘oni ‘iate kitautolu.

Lesoni Huluhulu: Selemaia 31:7